



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

VVigornien. Episcopo.

urn:nbn:de:hbz:466:1-20006

136 Epistolarum Innocentij III.

VALTERO ARCHIEPISCOPO
& Capitulo Rothomagen.

Epist. 159.
De reparanda
Ecclesia decre-
tum majoris &
sanioris partis
obtinet.
Cap. Ex parte.
De his qua fuit
a maj. part. cap.

EX parte tua, frater Archiepiscopo, apostolicis fuit auribus intimatum quod ad restaurandam fabricam Rothomagen. Ecclesia tractatum communiter habuisti, tfrater Archiepiscopo postulante ut quilibet Canonicorum tecum pariter aliquam suorum reddituum portionem operi tam pio & necessario deputaret. Quia verò super hoc diversæ fuerunt inter vos, filij Canonici, & variae voluntates; ne tam laudabile opus ex vestra dissidentia negligatur, auctoritate praesentium duximus statuendum ut si qui vestrum ipsius Archiepiscopi & majoris & sanioris partis Capituli * futuris super hoc constitutionibus duxerint resistendum, obtineat sententia plurimum. Nulli ergo &c. Datum Romæ apud S. Petrum V. Idus Iunij, Pont. nostri anno primo.

VALTERO ARCHIEPISCOPO
Rothomagen.

Epist. 160.
Vt audacter
sua iurisdictione
utatur, &
Regum minas
non pertinem-
cat, Pontificis
auxilio cōfisiūs.

ANxietae cordis & amaritudine premimur, cum angustias, onera, & gravamina, quæ zelo justitiae pro libertate Ecclesie manutendenda a quo animo & invicta fortitudine toleras, ad memoriam nostram reducimus, & meditatione sedula cogitamus. Veruntamen quod in te perfectionem virtutis adimplens, non potuisti à tua constante proposito amoveri, tuam super hoc prudentiam commendamus, & fortitudini tuae plurimam in Domino congaudemus. Nos autem fraternalitati tuae volentes patrocinium apostolicum imperit, tam te quam Ecclesiam regimini tuo commissam sub beati Petri & nostra protectione suscipimus. Verum quia, sicut ex literis tuis nobis innotuit, carissimi in Christo filii nostri Philippus Francorum & R. Angliae Reges illustres, dum interfesse compонerent, statuerunt super caput tuum quatuor Clericos eligendos, ad quos pertineat judicare utrum tenere vel non tenere debeat sententia quam in terram vel homines Regum ipsorum prouis excessibus ordine canonico duxeris promulgandam; (quam si judicaverint non tenere, ipsis Regibus sive ei in cuius terram vel homines sententiam tuleris, licebit bona tua & redditus occupare, donec lata sententia revocetur) frater-

nirati tuae sub pena officij & beneficij districtus inhibemus ne illi tam iniqua conventioni auctoritatem praebas vel assensum; sed, sicut consuevisti, & antecessores tui fecisse noscuntur, tuae jurisdictionis officium per tuam provinciam studeas exercere; nōsque sententiam ratam habemus, & habebimus, si quam in terras vel homines tuae jurisdictioni subjectos haec tenus canonice promulgasti, vel amodo decreveris promulgarē. Datum &c. ut suprà, II. Nonas Iunij.

VVIGORNEN. EPISCOPO.

QUAMVIS ad abolendam simonia-
cam pravitatem à prædecessori-
bus nostris varia emanaverint instituta,
usque adeo tamen in quosdam Satanae
filios morbus ille irrepit, ut adhuc, pec-
catis exigentibus, nec levi potuerit me-
dicamine nec igne curari, quin eò po-
tiū iniquitatis femina pullarint, quod
amplius sollicitudo messorum ea vilia est
suffocare. Significasti siquidem nobis
quod in dioceſi tua in tantum simonia-
ca labes prævaluit ut quidam publicè
fuerint ipsius contagio maculati, nec
crimen suum aliqua possint tergiverfa-
tione celare. Eapropter, venerabilis in
Christo frater, tuis precibus annuentes,
eos quos tibi constituerit reos esse crimi-
nis memorati, appellatione frustratoria
non obstante, canonice puniendo libe-
ram tibi concedimus auctoritate aposto-
lica facultatem. Nulli ergo &c. Datum
&c. VI. Idus Iunij.

EPISCOPO ET CANONICIS
Oscenibus.

MILLE nocendi modos & dolosita-
tes multiplices suorum menti-
bus spiritus perditionis inspirat, immo-
etiam eos potius dejicere nititur, quos
majori viderit religioni astricatos. Non
autem de ipsius nobis est fraudibus con-
querendum, qui à suæ creationis pri-
mordio mala semper meditatus est in
corde suo, propositis justis invidit, & ini-
quis cogitationibus aspiravit; sed de eo
potius condolemus, cum in eos præva-
let qui religionis tenentur formam &
habitum observare. Sanè cùm nuper in
Urbe quidam in falsitate Bullæ nostræ
deprehensi fuissent, & falsariorum frau-
de detecta, tutum non esset aliquibus
per eos sui cordis malitiam exercere, G.
quondam

Epist. 161.
De simonia
puniendo.
Vide caput
Quamvis ad
abol. De simo-
nia, in secunda
Collect.

Epist. 162.
Vt falsaria
quidam puni-
tur.

Vide supra cap.